



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七七六

木屑集二十六卷（展峯詩草六卷焦尾殘聲一卷題畫絕句一卷下里

歌謠一卷展峯試帖附錄一卷石樵文稿十卷戊戌奏草一卷講習雜

錄二卷虛字淺解一卷制藝遺簪二卷） 伍兆鰲 撰

一

夷牢溪廬詩鈔八卷 黎汝謙 撰

三七五

夷牢溪廬文鈔六卷 黎汝謙 撰

四五五

曼陀羅花室文三卷曼陀羅花室詩三卷曼陀羅花室詞一卷 吳翊寅 撰

五二九

容膝軒詩草八卷 王榮商 撰

六五九

容膝軒文稿八卷 王榮商 撰

七三九

伍比部木

屑集

十種二
十六卷

起光緒戊戌孟冬止
戊申季秋陸續刊成

木屑集序

木屑集者余纂次平生詩文而成焉者也何爲名之以此也昔者孟子謂齊宣王曰爲巨室則必使工師求大木工師得大木則王喜以爲能勝其任也匠人斲而小之則王怒以爲不勝其任矣斲而小之不勝其任固也然猶有能勝者在也斧之鋸之片片而裂之星星而屑之則無所用之矣余之文亦猶是也初余年十三而學爲制藝之文十四而學爲試帖之詩十九以溫經致疾因求所以養其心者而學爲古近體之詩洎官刑曹日日讀律剖析秋毫又總敘

乞假歸

案牘紛如日不暇給而後乃知制藝也試帖也古近體詩也皆無用之文也時則余年三十有九辛丑之夏自京師乞假歸朝廷以庚子之變振興庶政罷八股崇論策廢書院立學堂風厲天下士而余濫竽吉安中校者四年以疾歸里當是時吉之學於中校者大抵宗尙新說六經四子書率以爲陳言不切於時務而余乃登堂正席數陳大學中庸論語孟子義理尙書春秋左傳事迹若陳文恭五種遺規沈歸愚古詩源之屬皆稟用憲章然而聽者多笑爲迂闊其

聰銳者尤甚至乃拂衣振履出門去終已不顧惟明敏而篤實者頗或信焉又苦於科學之太繁不暇研究乎聖人之宏謨遠旨漸自得於其心余又拙於言辭無所挾以與學者相啟發而後乃知數年以來一切講義論說皆無用之文也時則余年五十有九先是余刊詩草六卷於戊戌下里歌謠一卷於乙巳皆就正友人近乃悔之欲併平生所爲文而毀之同邑周君擷芳曰甚哉子之自醜其文而概欲毀之也獨不聞陶靖節之言乎曰今我不述後生何聞子之文縱不足以示天下留以示子孫何爲不可對曰

總叙

余何敢擬淵明日陶隱居性好著述顧惜光景老而彌篤子今年六十矣縱不欲以文示子孫留以供老眼適餘年何爲不可對曰余何敢擬貞白曰陶征西造船荊州木屑竹頭悉令舉掌之後正會積雪始晴廳事前餘雪猶溼於是以前布地子乃徒知是物之爲無用也且子之文富矣雖不適用豈無一二言協於古而宜於今者耶於是余乃仰天而唏顧謂余友曰君勿言余將思之既而喟然歎曰久矣哉余之自欺也方年十七時讀朱子近思錄慨然欲爲古之學者而以科名仕宦爲不足貴何其壯也俄焉感

怔忡之疾不驚而懼不慮而憂至於衰白而厥疾未廖抑何憊也戊戌之夏

天子詔臣庶皆得獻言無隱亦既慎擬七事將上之矣以政令有改革可以毋贅又病後脆弱艱於改寫而罷何其懦也退而與郡之俊髦講求學術庶幾乎桑榆之效而德不足以服眾誠不足以動人溫故而不足以知新又何戾也夫修己之不亮素譽之不立而欲以言取信於時者難矣哉木屑之喻良是也雖有布地之資夫誰藉焉雖然余友之言亦是也曰可以示子孫可以適餘年於是乎編焉

總叙

其目次則展峰詩草六卷焦尾殘聲一卷題畫絕句一卷下里歌謠一卷試帖附錄一卷石樵文稿十卷戊戌奏草一卷講習雜錄二卷虛字淺解一卷制藝遺簪二卷先刊詩故首之都爲二十六卷而序之光緒三十四年戊申仲夏月乙酉朔安福伍兆鼈叙

木屑集十種二十六卷總目

展峰詩草六卷

焦尾殘聲一卷

題畫絕句一卷

下里歌謠一卷

試帖附錄一卷

石樵文稿十卷

戊戌奏草一卷

講習雜錄二卷

總目

虛字淺解一卷

制藝遺簪二卷

展峰詩草

光緒二十四年戊戌孟冬月開雕

自敘

詩不可無不可溺曷爲其不可無也天下勞者怨者憂者樂者其悲愉欣戚感於心必動於氣動於氣必發於言若天使然莫能自己小人之於謳歌君子之於篇什其致一也然則其不可溺者何也夫詩在志不在辭在本不在枝勞也怨也憂也樂也人之感物而爲詩者也所以處乎勞怨憂樂者則必有道矣有其道而不知勞則情怨則怒憂則傷樂則淫耳不務謀道而務工詩詩愈明道愈晦詩愈著道愈微是爲損道以益詩甚無謂也余年十九時感幽憂之疾顧視白日心惕惕然恐不永年不得已假詩以紓之自壬申至於癸巳得五百二十八篇余之詩殆以憂作者歟彙而觀之庸庸者十八九工者百不一二何其難也余詩之作將以解憂而憂不可解終日戚戚勉強排之旋復自至何其苦也悲夫余之愚也書曰詩言志歌永言聲依永律和聲古之君子夙興而夜寐日邁而月征居不求安食不求飽汲汲焉終身不遑者志有在也勞而志昌怨而志婉憂而志壹樂而志貞宣之以言協之以歌會之以聲諧之以律者詩有自也詩以詠志而志不在詩古之作

自敘

一

自敘

二

詩者如是而已耳豈曰雕鏤草木鉤考蟲魚童而就業白首而忘返若後世能詩者之所爲哉其爲人也知鬼神之德明屈伸之理修身立命生順而死安又何至以心疾之故不知所治而求治於詩也哉今余之爲詩也不尙志尙辭不自本自枝搜剔品彙俯仰而獨吟曰吾欲資之以養心耳其究也心失所養而勞怨憂樂之感求所以應之者迷茫而無術覺悟改圖則老且至矣雖甚能詩夫何益之有此余所以悲也詩旣作棄之則不忍比而次之鐫而藏之志前日之非明今日之悔而其言之一二衷於是者閒亦省覽以自惕焉則是編者尙亦余箴儆之資歟若庶幾乎天下後世之好之也余雖愚妄不至是也
光緒十九年歲次癸巳冬十月朔日安福伍兆鼇敘

展峰詩草目錄

卷一

登石羊峯 山齋夜讀 隨從兄明卿及從弟夢溪

和欽由吉安返舍 卽景 暑夜 鄰家一樹花

聞蟬 詠史 憶舊吟三首 溪漲 苦

雨 魏王兩先生詠 并序 大雪贈彭芝生茂材

夢溪偕弟讀書吉安感余昔年共學事寄詩三首

述哀詩 昌黎書院謁韓文公神座 早飯茶山口

號 醴陵道上遇米同年純卿述及贛南山水時余與

目錄

純卿俱適湖南相約客中湖山之遊賦詩一首 旅寓

南昌重過延慶寺 并序 自南昌赴京道經西山之下

宿烏石門 曉發烏石門望廬山暮宿山下之沙

河鎮 初至九江望見輪船駛過江中 初登輪船

并序 登陶然亭 吉水劉叟載鹽揚州聞余作鄉

談略詢旅況且邀一飯余辭之而感其意賦詩二首

章江早發 自京南旋諸弟詢余北上情事以詩述意

題對江八景八首 牛嶺松濤 尼峰煙雨

文筆裁雲 石潭旋螺 湖溪環帶 石牛晚鐘

古喬聽鶯 泉塘秋月 虛齋 登江山一覽亭

二首 得登高二字

燭下檢書

禿筆

雨夕

書懷寄示夢溪一百韻

吉州雜詠十首

月夜

偕夢溪和欽遊白鷺洲二首 月夜江樓獨酌 讀

李白古風 晚景 雨中別家 雨後山行

村店卽事 桐木坑履稻田 雨中曉發與夫有問

答 戲贈外兄胡麗泉 吹笛坡 并序

卷二

詠史四首 我愛樹間蟬 我有同心人 感事

感遇 閱聊齋志異作 王明君詠 早行

目錄

奉懷魏鯉汀先生二首 夜雨 雨後 送

從弟懿卿吉安讀書 晚步 朝霞 晚霞

靜夜 幽居 征袍 古意 秋夜獨坐

明月篇 乙亥秋試榜前戲贈夢溪和欽 江干別

舟中夜雨 過螺山 蔗漿歌 并序 舟泊

峽江 臘月九江道中憶和欽湖南之遊感賦四首

九江城樓晚眺 發張夏抵宴城和友人作 四

月二十日出都重宿固安客舍 下第南旋道中奉寄

都下同館夏課諸公三首 永新郭退庵同年以選拔

朝考入都歸里後誓不復出山東道上憶之賦詩二首

苦旱 并序 羊流店謁羊叔子廟二首 清江

浦 午日邵伯舟中計程閩端陽前可以抵里二首

舟曉 夜抵揚州 鎮江舟夜 金山寺二首

焦山二首 甘露寺 九江道中即景 發

豫章作 沙湖水漲 并序 還鄉五首 題月季

峽蝶圖 題憑欄獨立圖 乙亥十月旅寓袁城買

妾潘氏丙子初冬再過之追憶有賦 耿吟二首

北上潁行與夢溪和欽話別頻年羈旅慨然懷懷率成長

目錄 三

律三首 吉郡登舟 舟中曉起 章門曉發

宿建昌縣 阻雪 廬山 十四夜沙河觀燈

十五夜九江觀燈 舟中贈郭孝廉竹衣 上

海縣二首 孤憤二首 客舍 觀少年競歌曲

詢知習俗如是戲賦一絕 觸目三首 客夜

宿黃村二首 裁書與詩寄夢溪再題書後 端午

蘭山道中夜行 半城送客入京 車邊拾一墜蟬

翼破難飛戲置柳間輒成一絕 臨江詞 湖口

石鐘山 業師劉元音先生七十壽言 讀陶淵

而詩 錄詩就夢溪刪正之輒成十二韻 梅花雜

卷三

九日借衆兄弟及二三鄰曲登石羊峯 寄懷周巽之

孝廉二首 溪上玩月行 有叟在江干 白雲

篇 飲中歌奉贈孝廉芝生同年 讀庾子山詩

讀易有感 鄒健甫茂材將往山東賦贈 夢溪

屬改試帖既而作詩見謝次韻和之 連嶺口號

驅牛人 潤富山中旅夜風雨歎 山市口號

目錄 四

山中 醴陵道中遇友人劉子基携寵東歸戲贈二首

柔藤歎 萍鄉城裏人家頗擅園池之利爲賦一

絕 發萍鄉 湘江月夜泛舟 客長沙 題

鄧西園山水障子 客筵夜歸 長沙謁曾文正公

祠二十韻 登城南天星閣 又登天星閣 夜

泊洞庭湖口 泛洞庭 登岳陽樓 岳州月夜

書懷 舟抵漢口遂至武昌 登黃鶴樓 鄂渚

海客來歌 官軍三千自湖南赴山西道經漢口

女奴 茶商 題富貴白頭團扇 又一首

題尹南枝養親教子畫幀 從衆客遊漢陽唐氏

別墅五首 立秋雨夜 巴河晚泊 望廬山

彭蠡湖望廬山 大小孤山 蝦蟆石 鄱湖

大風 阻風 阻風數日船大不行易小舟而南因

成絕句 吉州網船歌 道中苦熱 還家三十

韻 早秋有懷李孝廉桂舫同年三首 己卯正月

二日山行遇雪卻憶瀨歲北五省大旱得第三聯遂足成

之 春雪 春歌 夏日漫興四首 早行

江上早行觀鷓鴣船 山徑草 苦蚊 慰藉

目錄 五

詩 傷心詩 并序 酒醒 題劉詞卿漁樵問答

圖 題郭令公畫像 次韻胡寶田茂材見贈三首

讀陶淵明詩復賦一首 客有談長安道者爲賦

七言長律二首 除夕 正月初二日檢書適得離

騷讀之終夕 醫俗篇 并序 煨芋

卷四

別家 小憩 車中不見廬山巽之作騎馬裝了無

障礙戲贈絕句 舟泊鎮江 鎮江舟曉 平山

堂 雪中歌 題劉笏堂觀琴琴圖 次韻奉

和龍吏部筠圃先生南歸留別七律八首 題抱琴訪

友圖 題蕭惠農疎柳聽蟬畫扇二首 聽友人談

紅樓夢得詩三首 揚州留別蕭比部芸浦同年二首

客散 窗下 插嶺關早發 旅次 橘

樹 風塵名士歌 并序 午日觀湘江競渡 遊

石鼓有作呈純卿明府且乞和之 久雨 雨中菊

九月十二日與朱艾卿茂材午橋明經登回雁峯

遊楊氏園八首 清泉署中夜飲醉後贈純卿

次韻歐陽亦拙孝廉見贈二首 趙平三先生八十壽

目錄 六

言 舟過新里有懷歐陽子周孝廉 春晴 移

家吉安奉寄巽之四首 題杏花春燕畫扇 題天

寒有鶴守梅花圖奉獻劉大令峻卿先生 龍泉縣署

後園夜坐 那齋讀書 偶學蘇體有會而作

遊青原山寺 吉州試院前見場具一首 題退庵

手定古韻彙編錄本三絕 岡上松二首 送夢溪

之廣陵 題八仙醉眠圖 旅夜太風 登宮亭

湖樓緬懷曾文正公敬賦一首 自吳城至九江四首

舊詩 謝孝廉竹畦口號詩成余爲題壁中有誤

字作此解嘲 沂州城下水淺驟車可渡 悲貧兒

都門夏日 盪水行 并序 阻水商家鎖劉聲

遠丈素不相識代余買舟南去作詩申謝 喜歐陽友

三購得先世墨跡 題畫二首 澹津客次登黃姑

山折松桂枝贈姜粹白秀才有詩見贈次韻和之 次

韻再和秀才見贈之作因以留別 與雷耐菴飲因以

誌別二首 旅夜 聞法人請和感賦 擬古五

首 苦吟 世路

卷五

目錄 七

次韻奉和前侍讀王爾玉前輩南歸留別及懷安書院卽

事原韻四首 乙酉除夜二首 次韻爾玉前輩丙

戌元日 爾玉前輩登韻見賜再和一首意有未盡再

成二首又倒登一首 爾玉前輩三登前韻敬和一首

學西崑體三首 宮定後詩十首 并序 題山

水障子 述德陳情詩奉獻李仲約先生二十韻

詠古二首 讀書二首 毛農部實君同年約遊西

山余未能從賦此以堅其行 海防 機器 應

官 莫比部堅卿代余閱秋審冊子示以法程十韻賦

謝 乘槎 閱秋審冊 閱秋審比較書 戊

子正月十三日雪 四月十二日與劉虛谷段春巖兩

孝廉顧少堉比部同遊西山至山下之碧雲寺不及登山

而返二首 陪諸公遊二閘 陪徐水部仲文前輩

及諸友至十刹海觀荷花盛開 虛谷春巖招飲城西

南河炮 鬚白 并序 桂烈婦詩 并序代作 所

思五首 并序 白雲亭外有竹兩叢同年常比部星五

屬余作七言賦之 次韻奉和曹助川太守之官九江

留別同人二首 代作 鄰甕 客舍夜歸 題畫

目錄 八

戊子十一月十五日夜 溫經有述二首 戴

蓮溪太守八十壽言 代作 曉起 五更入直遇雪

寄懷艾卿孝廉 雞鳴篇 夜 閉門

十月十七日夜哭吉兒一絕 送劉水部良生改官河

南直刺 良生將之河南已賦詩送別矣瀕行再賦一

首以寄相思 有美行 并序 戲爲都下雜詠十八

首

卷六

天甯寺七首 讀莊子二首 拜石山房石刻朱子

自書五言古詩敬觀有賦 閣少窗農部延客用江鄉

烹調法賦詩爲謝 城狐歟 京華詩十二首并序

士不遇 治遊篇 宴遊篇 昇天行 使館行

夢遊西山歌 借車行 昨夜吟 昨自君家返二首奉呈寶

君正之 歐陽煦庵祠部送酒賦謝 溫經 志四

首 遊西山八首 復遊西山八首 題晉江送

別圖四首 代作 奉贈陳丈右銘按察之官湖北

次韻奉和許總河仙屏前輩寄贈都下友人七律二十首

之四 庚寅十二月十九日雪卻憶畿輔災民有賦

目錄 九

買竹與魏比部星五分種喜逢甘雨 八月朔日同

郡鄉試諸公恭祀二忠先生因集郡人飲福 又一首

唐花 壬辰正月初五日早 讀書 次韻

李舍人綠寶見贈 讀仇氏十七賢人小傳 悲衰

翁 春日偶成用定比部鎮平同年原韻 疊前韻

一首 再疊前韻一首 三疊前韻一首 種花

樹四首 題孟浩然踏雪尋梅圖三首 奉題艾卿

侍講三十行年小像 卽事 詠志三首 送族

兄馨山之官獨山州 讀陳后山當年不嫁惜娉婷詩

戲賦一首 有感三首 秋風 仙屏前輩巡撫

廣東有舟行雜詠詩往復紬繹意味無窮不揣固陋敬和

一首次卷中題嚴明府詩卷原韻 春闈次韻奉和徐

總憲壽蘅大前輩三月初十日曉起 壽蘅大前輩屬

題蔭陰閭楔圖四首 奉讀爾玉前輩貞石山房詩敬

賦一首 讀孝女曹娥碑 恭讀 御纂朱子全

書敬賦一首

目錄 十

展峯詩草卷一

安福伍兆龍繪

登石羊峯

一峯挺孤秀終古青
嶄巖雖無千仞峻
眾嶺難追攀
褰衣造其巔
百里岡阜環俯臨
高鳥翔遠看晴雲間
悠然悟眞宰理在物象間
到此且有得何況登山

山齋夜讀

宵讀古人書嘉言貺我厚
燭滅知月明門前獨立久
委巷鳴夜機寒塘照衰柳
風橫度嶺雲星散插江斗
此景古人

展峯詩草

卷一

同古人今何有達哉陶靖節平生獨耽酒

隨從兄明卿及從弟夢溪和欽由吉安返舍

城頭畫角五更催
伯仲行裝故里回
樹隔煙村一犬吠
水環菜圃幾花開
古人徒步便芒屨
我輩家餐有芋魁
笑語不知筋力倦
前村得酒共銜杯

卽景

雨後野色涼溼煙帶村樹坐聽田水聲
青山忽已暮芳草留羣犢
遙天沒孤鶩釣舟溪上回行人來問渡

暑夜

夕暉高閣盡短榻出空庭
簾捲初弦月池明倒影星
獨吟階下蛸數起草閒螢
溪水知何意潺湲伴客醒

鄰家一樹花

鄰家一樹花紅英燦以吐
獨立悄無言有似懷春女
晴陽照鮮妍微風助媚嬌
春鳥翻其枝幾片墜塵土
我有雙金鈴雕鏤文字古
揚聲燕雀驚孤芳孰敢侮
金鈴我不惜所惜非花主

聞蟬

攤書坐北窗庭樹高於屋
新蟬何處來鳴聲憂清玉有如

展峯詩草

卷一

阮步兵長嘯先孫登又如嵇中散
揮絃韻超遠十日病減些
牛蟻兩耳譁爲我被煩悞
莫趁黃昏鴉

詠史

漢家畜匈奴殷鑒盡平城
和親以宗女天子重北征
高后受嫂書盛怒亦已平
本無君父仇何必興戎兵
宋室乘厄運京師逼虜營
鑾輿塵裏走帝座天上傾
二聖不返國將士皆吞聲
豈不願死戰君相欲行成
韓王身不用岳王獄孰爭偉
哉叟敬策所以息編氓
哀哉康王孱忍斯以偷生

憶舊吟三首

昔我年幼值亂離羣盜食人如貍羆村中夜半自驚危十里之間有賊旗家人起我於房帷今夜避賊不可遲出門短袂西風吹青鞋布襪草露滋雜沓男女呼相隨雞犬鳴吠無人知荒荒東嶺吐朝曦饑腸如火四體疲攬衣藉草憩路歧路旁過者知爲誰中有少婦困且饑力弱不能抱其兒棄之不忍對之悲老翁髮白淚滿頤自言衰朽苦驟馳羣中失侶獨在茲強欲慰藉難爲辭舍去姑從余所之深谷幽巖路險巇沙石傷足不可支窮鄉竄迹歸何時有求未免顏色卑泥中濁水盛盤匱下溼薪供烹炊薪雖

展肇詩草

卷一

三

涇價如桂枝水雖濁味如甘飴飲之食之猶可爲可憐丁壯死纍纍夜哭孤子晝哭殘天下已定休王師不得起爾還耕犁

彈溪先生居彈溪彈溪之水清且淒水邊獨坐親覺驚不喜俗人如阮嵇憐余齋宿造幽棲煮葵燒荀烹黃雞醉中邀我行春畦雜花數樹流鶯囀尼峰雲物東復西起滅萬狀無端倪珠宮貝闕銀狻猊頃刻欹倒誰推擠先生微笑指我迷形骸變化彭殤齊雉入大水楊生稊壺嶠遠矣難攀躋山中儒生瘦且黧牀頭自有兩囊齋何必鼎食登金

閩

我年十七苦攻文清朝兀兀到夜分老僧入定面壁坐泰山不見雷不聞初如御氣騰虛牝天門蕩蕩天風引赤水泥中求元珠華嶽峰尖射秋隼忽如將軍天上來茶火耀日軍容開增竈滅竈無常策囊沙量沙歸妙裁又如匠師營宮殿萬戶千門勢奧衍重樓巨閣百尋餘要令觀者銀海眩又如孤山處士家老鶴舞風梅始花又如堂下奏金石震盪俗耳無箏琶當時自謂心獨苦今日觀之汗如雨六一平園望替人天傭太乙迷前軌文章名世良獨難池

展肇詩草

卷一

四

招那得滄溟觀老泉少作捫一炬坐憶古人徒浩歎

谿漲

天牛負泥塗黑蜩掀波浪迅雨橫空來風雷共鼓盪老樹入雲中行潦起階上經宵霽色開出門聊一望小溪不容水洶若桃花漲下流決新隄上流溢舊防倏已沒青嘯勢欲鏟碧嶂奔駛雖足觀泛濫乃相妨屈瑕敗鄖師伐羅志則亢鄧艾有蜀功威容無退讓器小苦易盈含宏在雅量君看大壑深百川吞吐蕩

苦雨

雨師騎龍來胡不騎龍去虎豹九關嚴帝座誰能訴高嚴
蔽重陰日月不得吐岸崩木偶流樹倒山精怖堂坳蚓橫
行龜觚蛙割據平隴禾生耳天災爲誰故潭潭玉隆宮仙
人坐雲霧鐵鎖繡蒼苔蟠蛟爾敢怒

魏王兩先生詠并序

余年十四時謁同邑王先生先生居北鄉之彈溪
因號焉溪水澄澈游魚可數先生對水置斗室中
洗滌几席日三四作與之遊登山如履平地道遇
清泉必流灌其手雖迂步不惜也性耽詩酒醉後

展峯詩草

卷一

五

輒吟意有所會或仰天獨笑款客但有雞黍家貧
處之泰然余敬之慕之爲友人告之友人歎曰廬
陵魏鯉汀先生不是過也魏先生詩筆清雋蚤歲
棄舉業獨居山中不入城市者三十年矣余聞先
生清介又不喜接賓客居雖近未敢貿然投謁每
往來吉安道先生門外綠樹交陰清流奏響歎青
田野鶴可想不可卽也天下大矣高人逸士亦復
罕聞以余所知地不過三十里而兩人生焉若使
見稱於朝豈不足以激濁揚清風勵天下耶世

無陳蕃孰知徐穉誌其略且繫以詩魏先生名清

柳衣王先生名

紫霄飛下兩客星山北彈溪東鯉汀高人從來晦光采世
上焉識威鳳翎鯉汀先生青雲器獻賦不肯求楊意獨遊
豈必七賢同顏臥非因千日醉地偏心遠王彈溪手汲清
泉灌菜畦自擁敗絮何慙子長紡落毛還有妻彈溪先生
如瘦竹風格儵然絕塵俗鯉汀先生如幽蘭清香發越秋
露寒空山白雲懶不起偃息將從隱君子

大雪贈彭芝生茂材

展峯詩草

卷一

六

良宵話別飲三更未聽晨鐘恨已生恰好天公解人意故
將濃雪緩君行

夢溪偕弟讀書吉安感余昔年共學事寄詩三首

螺川共學昔年曾今日相從恨未能最憶連牀風雨夜兩
人清影一寒燈

窗前春草定叢生坐對羣書更有情日夕鷺洲堪眺望江
風吹袂碧波清

誰將經訓比菑畬想見韓公勸讀書俗客不來深院閉城
中何必異山居

述哀詩

我生天怙毀齒年形單影隻慈母憐東南盜起母力竭兒
晝宜食宵宜眠十三就傳當遠出義不可止心拳拳夜深
重復啟箱篋寒服爲我添木棉臨行屬我勿嬉戲謹身慎
疾此最先出門念母亦不可念母五內徒憂煎人生無過
讀書好世上祇有英豪傳兒無兄弟負荷重春秋代序兒
勉旃嗟哉此語如昨日口澤十載遺杯棬報答春禪豈有
及撫膺流涕蓼莪篇

昌黎書院謁韓文公神座

展峯詩草

卷一

七

袁州山水窟文公實蒞茲我來拜神座懷哉仁勇姿虛堂
地不廣神明所扶持鳥雀無雜喧松筠有餘滋先生嶺表
謫此邦爲量移中丞大原公下交禮轉卑崢嶸滕王閣棟
宇當修治爲文記其事三王愧雄詞傳觀始茲土到今讀
者思鳴呼佛骨表批鱗進忠規潮陽一出守北還豈有期
將以身殉道貶竄何足悲同時柳州柳廟貌亦羅池均是
南遷客來者宜何師

早飯茶山口號

袁州城西十里

走馬茶山山路長山閒小市夾垂楊兩邊紅袖爭邀客都

道中廚飯已香

醴陵道上遇朱同年純卿述賴南山水時余與純卿
俱適湖南相約客中湖山之遊賦詩一首

我友天性好溪山千里獨往窮追攀身經賴南山水窟水
險山高略可說逆灘十八無安流巨石伏水如蟠虬觸破
行舟舟人溺蛟龍宅有古燭饅舟師引舟行石上譬若炊
米在劍頭三朝三暮上惶恐欲上未上心煩憂舍舟理策
登庚嶺萬壑千巖蔽日影谷中人靜蒼鶻呼壁上石開青
猿騁老藤橫路礙行衣飛泉落澗垂修綆十月梅花十月

展峯詩草

卷一

八

看南枝馥郁北枝寒此花此地開獨早江北江南無此觀
我聞君言神最王眼中髣髴觀形狀惜君不付丹青手畫
圖贈我千金貺衡嶽洞庭天下奇白波渺渺連青嶂湖山
險處多偉觀獨有健者能搜訪君如遊覽我當從笠屐生
涯未敢讓

旅寓南昌重過延慶寺

并序

壬戌歲余隨先叔父僑寓豫章兄弟五人讀書延
慶寺之觀音閣寺規模宏大而牆屋多頽敗者癸
酉秋再過其地荒涼之狀較勝昔時寺僧亦但化

突感而賦之

東湖古寺早荒涼舊行吟處頗未忘入門景物又一變蕭條四顧增惋傷壬戌之春來此寺觀音閣裏苔鋪地書籤筆架當安排弟後兄前問位置狂風捲幔門戶開羹飯左右蒙黃埃承塵畫板忽飄墜曲枅浮柱疑崩摧三更急雨傾盆注可憐屋漏無乾處飛電照壁雷撼牀都養無眠憂且懼閣東賈客售宣毫閣西金工煅竈高騎卒閣南誰檢束撝撝飲酒呼朋曹肅肅陰陰大雄殿金身丈六塵遮面殿側虛敞寺僧房寺僧五戒多年忘虧節豈同鳩羅什斷

展峯詩草

卷一

九

根殊愧禪師光松寮一別經十載章江鷗鷺還相待重來旅燕尋舊巢前日寺僧今安在牆傾壁破來悲風鐘鏞戴土筍虛空神座蓮花舊委瓣客階荆棘新成叢黑鷹啄腐壞檐角蒼鶻嘯羣枯樹中嗟嗟一寺何足數百年樓觀變闌闌蘇仙祠下水打門孺子亭中蟲嚼柱西山飛雨南浦雲催盡朱顏到黃土含情且復上酒樓醉把荷花消我憂鴻爪雪泥那可問人閒萬事秋雲浮

自南昌赴京道經西山之下

聞道京華有西山西距都門三十里豫章西山亦凌雲狀

與京華西山似日星河嶽孰命之二山名同誰所爲可惜青山不答語白雲如慧我如癡滕王高閣臨江渚夕捲珠簾看秋雨子安楮墨已成塵茲山烟靄無今古客子千金惜此身東西南北作遊人終南嵩華供周覽尙憶能文蘇穎濱

宿烏石門

徑轉山回楓葉繁松枝忽動幽禽翻蒼苔篆壁太古石碧檻鏡水誰家軒團團落日促行客裊裊孤煙生遠村溪上獨來尋宿處疎燈幾點路旁門

展峯詩草

卷一

十

曉發烏石門望廬山暮宿山下之沙河鎮

馬筆侵星指東北煙樹溟濛霜欲白東南疑有雲萬重沄沄魂魂映天黑凝眸審視卻分明知是廬山青黛色廬山之高高峩峩峯巒萬疊晴雲多倒影落水搖湖波飛泉挂在蒼巖阿我以冬日山下過彷彿匹練雲間拖香爐紫氣望不極日暮脰脰欲如何沙河月夜獨偃息夢裏仙人假雙翼紫霄峯上捫天星九派江流衣帶側前身應是此山僧虎溪行處猶能識

初至九江望見輪船駛過江中